

“TULAI KHANGTHAH TE LAMVAINA- A DAMDOI DING AUM THEI DEM?”

Achesa November 4, 2017 nikhon KWS(G) mun’a **‘Joint Khanglai Seminar’** Rev.Dr. Kh, Khaizakham resource person hinan ana kimang in ahi. Khanglai ho adeh a KWS(G), ZCF(G) leh EBC(G) apan khangthah lekha sim zing lai mi zoo val ana kikhom doh thei in ahi. Question hour phat khat’a thudoh hitobang khat ahung kidong’e. **“Ipi iti leng tahsa lam, lhagao lam, sim-sah na lam ah thanopna kanei theidem?”** tin khangthah gollhang khat in ahin dong’e. Resource person pan a hetna thei khop in donbutna ana pen, hiche hin tulai khangdong te **‘lamvaina’** eigel doh sah jing in ahi. Tulai khangthah ho hi moh um jeng umlou mipontho ngen ahiuve. An-neh na man phat leh nom’a i-mut phat neilou ngen ahiuve kitileh kiseikhel pon te. Akisah buoi nau hi **24X7** ahi ti thei khop ahi. Khang vangpha tah chukit leh khang vangse tah’a um ihiuve kiti leh seivar hipon te.

Kum 20 masang in tua um electronic gadgets ho jouse hi ana umpon natoh-thilbol na jousea ana hahsah thei lseh in ahi. Tulayin smartphone apat khutmuh bou mangchan banking transaction bol thei khang ahitan, chugoh keu hilouvin jong nehthei ding tichu Pizza, Domino, KFC, Bongsung, Uisha leh adang ho naki kou (order) thei kit tan ahi. Imajouse **‘easy made for’** khang ihitauvin – hahsatna kiti him him umlou khang ahitai. Achunga kidoh na thu toh kisam kai **“Tulai Khangthah te Lamvaina – A damdoi ding aum thei dem?”** thupi-a mangchan ana kihou lim khom ute. Anuoiya ahin ngaitokhom din point thum ana veu hite.

1. AMASADING ANUKHAH DING HETOH LOU (FIRST THING/LAST THING - DILEMMA)

Hiche hi mikangte paova **“priority”** nei kicheh thei lou tina ahi. Simlai nahi leh nabuoipi ding adang apoimo umlou ahi. Thil dang tichu KSO leh KWS khanglai hoa na **‘talent sharpen’** naki bol chu **‘recreational motive’** a nakilah phot leh ase ahikit poi. Ahin **‘redline’** a neiding chu **‘simlai’** nahina hin tongkha thil ho - vetsah na’n society a na mohpohna leh nakimanachah naho chu nakihet doh ngai ahi. Nanu leh Napa umlouna ah koiman nahung kham lou ding ahitai ti kihet them in. America kahin dalhah nung kum 13 jou hin, reading reviews/reports ho jeng jong time fixed a-minute leh second chen gei aum doh sah uh ahitai.

2. AWL LEH BOL THEI AHINAI (LATER TIME MENTALITY)

Hiche hi Manipur a **‘meitei’s hazeng’** itiu khu ahin mikang ten **‘procastination’** atiuvin ahi. Eimi khangthah ho tulai akihoulim nauva kijah mun pen lah a khat chu;

Gl. Alpha: *Golpa tua chu ipi nabol a?*

Gl. Omega: *Ima kabol poi, ka moh um’e.*

Moh um jeng lungput neina lai ten minam dang akhangtoug ho iti itet jou diu tam? Class Assignments, Projects leh reading reports/reviews ding ho **‘awl le bol thei ahinai’** iti jing ule itih **‘mikhangtoug te’** tia eikikou diu tam? ITS Los Angeles a kasim khompi Singapore a kaloipa Choi Wang in aseih khat – **‘keiho Singapore mi ho hin ka sou (pulse) uhi phat che dan a kalah jeng uh ahi’** ana ti. Phat hetoh lou kati hou khu **‘mental asylum’** a um ho ahiuve ati kit’e. Achuti le eiho hi **‘mental asylum’** a um thei ngen ihu ahitai kiti le angai thada ihisoh kei kit diu ahi.

3. MICHUNGA KINGAPNA (DEPENDENT MENTALITY)

Angai na-a eiyute hi pilhin nunga jong Nu leh Pa-a kingai jing mite chu ihu ahi. Imalam jouse hiche hi ihin chin jeh uvin, minung ipha lel tauve kitikit leh kisei khel kit ponte. School a jilkung ho note peh bou kisim, College leh University a Lecturers/Professors ho thusei bouva kikingam, aban holbe nom lou, chihguhna leh hetgilna munpi **Library** leh **Resource Center** dang hoa gamleng ngap lou **'habituated trait'** neijing te ihu ahi. Hiche jeh hin ihinau i-thusim kisen ikihet chet pouvin, -tuni chan in **'identity'** crisis inei jing thei nalai uve. Hiche hi vangset umtah thudih ahi. Tulsa Oklahoma a kaloipa Stev in ana sei khat – *“we in America, 18 years above are responsible to our own actions, our actions count...”* geldoh thei tah ahi. Kum 18 lhin jouva, eima gamlen saa ne-thei mi ihicheh teng uleh miten **'eihin vet ton thei diu'** ahitai. Hiche hi **'spoon feed culture'** ikhel nau jong hung hiding ahikit'e.

Hiche jeh chun khangthah ho katil khou na nom chu hinkho ahin **'easy answer expect'** ding aum poi. Adam leh Eve chonsetna a alhah jou lhon'a kon'a hinkho kiti hi **'struggle'** ding monga **THUPEH** ana-um ahitai. Na **'struggle'** nom lou leh kicholdo na mun um sun chu **cemetery** tilou mundang um lou ahi. **'Thanopna'** hi pharmacy a damdoi kichoh thei bang in um leh min chelheh in te. A-hin semdoh company ho jong minthang lleh diu ahitai.

“Ipi iti leng tahsa lam, lhagao lam, sim-sah nalam ah thanopna kanei theidem?” ti sang in kithudoh na athah nanei thei tadem?

Khangthah asim jousen phat chompi nan nei ngei jo ta hen. Kakipah'e.

Rev.Dr. H.D. Angam

Director, AGMA, Guwahati, Assam

Mbl No: 09531055709 Email: agmasiaz2005@gmail.com